

DE ELEMOSYNARVM  
DIFFERENTIA. Ca. XXVIII.

Leemosyna. ΕΛΕΗΜΟΣΥΝΗ. ergo gręcū uocabulū.  
e latine interpretatur opus misericordię, inde ut  
reor dicta, quod miseria humane infirmitatis  
cor siue animum pulset. Sed hęc apud homīes, quibus  
uarij animo accidunt affectus, cęterum apud deum, q  
secūdam naturam semper est benignus et misericors,  
nō est huiuscemodi credenda esse affectio. Neq; enim  
temporaliter illic aliquid accidere ualet, ubi ęternitas  
sine ulla sui mutatione fixa manet, sed cum dicit̄ misē-  
ricors, intelligi debet esse pius et clemens, quę magis  
nomina, proprietatem ipsius nature uidētur ostēdere.  
Sunt & eleemosynarum species plurimę, quanquam  
in dispensationibus pauperum, hoc uocabulum quidā  
haberi debere arbitrentur. Eleemosynā facit, qui pec-  
cantem & prauis operibus insistentem, aliquo modo,  
siue per ammonitionem, siue per disciplinam corrigit.  
Nec enim sine misericordia esse credendus est, q; regu-  
lariter siue per excōmunicationem, seu per uerbera  
hominem a peccatis & uicijs coercere studet, quia nō  
secundum eius uoluntatem, sed secundum utilitatem  
ipsius miseretur, Eleemosynam facit, qui errātē in uia  
veritatis deducit. Eleemosynā facit, qui indoctū docet,  
qui uerbum dei proximis suis prędicat, Eleemosynam  
facit, qui bona tēporalia cū fratribus suis, scđst cęteris  
hominibus participare nō desinit, Eleemosynam facit,  
qui uictū et uestitū indigentibus prębet, qui hospicio  
suscipit, qui infirmos uisitat, qui in carcere & in tribu-  
lationibus constitutis, de bonis suis subministrat, qui  
ad mortem & ad supplicia destinatos eruere nō cessat.  
Omnia enim bona quę in hac p̄senti uita iustus quisq;  
operatur, hoc uno nomine comprehendī possunt, nec  
solum utiq; in alijs hominibus, sed etiā in nobismetip̄is

eleēosynas facere possūus, sicut scriptū ē, miserere aīę  
tuę placens deo. Cum ergo nos a peccatis ad bona opa  
conuertimus, a superbia ad humilitatem, a luxuria ad  
continentiam, a liuore et inuidia ad charitatem et dile  
ctionem, ab ira et disceptatione ad mansuetudinem &  
patientiam, a gula ad sobrietatem, ab auaricia ad largi  
tatem, a tristitia seculari ad spiritualē letitiā, ab accidia  
temporalī ad studium bonum. Quid aliud facimus q̄  
eleemosynas in nosmetipsos impendimus, cum nostri  
met miseremur, ne per inobedientiam mādatorū dei,  
supplicijs eternis deputēur? Quid enī ait ipse saluator,  
proderit homini, si uniuersum mundum lucret, anime  
uero suę detrimentum patietur? aut quā cōmutationē  
dabit homo pro anima sua? et reliqua. Bene ergo et or  
dinate artē misericordię exercet, qui primū semetip̄m  
bonis operibus et sancta conuersatione, ac uirtutum  
fructibus egere non sinit, & deinde in quocūq; potest,  
siue in spiritualibus rebus, siue in corporalibus proxī  
mos suos adiurare non desistit.

DE POENITENTIA. Ca. XXIX.

Oenitētibus exemplum Iob primus exhibuit,  
p quando post funera uel flagella adhuc in sui re  
dargutione, etiam in cilicio et cinere lamenta  
pœnitudinīs sumpsit dicens, Iccirco ago pœnitentiā in  
fauilla et cinere. Post hunc Dauid nobis pœnitentię  
magisterium prębuit, quādo graui uulnere lapsus, dū  
audisset a pphęta, peccatū suū confestim pœnituit, &  
culpā suę pœnitentię confessione sanauit. Sic Niniuite  
& alij multi peccata sua cōfessi sunt, pœnitentiā egerūt,  
displicere sibi quales fuerunt, et quales per deū facti  
sunt, illi placuerunt. Est autē pœnitentiā medicamentū  
vulneris, spes salutis, per quam peccatores saluantur,  
per quam dominus ad misericordiam prouocat, que  
nō tēpore pensat, sed p̄fūditate luctus et lachrimarū;